



八

82701

大藏一覽集卷第八

寧德優婆塞陳實譏編

第七門○功成果登正覺相好妙用神通

九四品

法身品第四十八 相好品第四十九

神足品第五十 十號品第五十一

法身品第四十八三一則

○三身四智了然明○五眼六通無不具

○三身金光明最勝王經云一切如來有三種身化身應身法身如是三身具足攝受阿耨菩提云何化身如來昔在修行地中爲諸衆生修種種法

得自在力隨衆生意隨衆生界現種種身是名化
身云何應身謂諸如來爲諸菩薩說於真諦令其
解了生死涅槃是一味故爲除身見衆生怖畏歡
喜故爲無邊佛法而作本故如實相應如如如如
智本願力故具三十二相八十種好項背圓光是
名應身云何法身爲除煩惱等障爲具諸善法故
唯有如如如如智是名法身前二種身是假名有
後第三身是真實有爲前二身而作根本何以故
離法如如離無分別智一切諸佛無有別法復次
諸佛利益自他自利益者是法如如利益他者是

如如智 復次法身三昧智慧過一切相不著於
相不可分別非斷非常是名中道雖有分別體無
分別雖有三數而無三體不增不減猶如夢幻亦
無所執亦無能執法體如如辭如有人願欲得金
既得礦已銷鍊成金隨意回轉作諸鏹釧雖有諸
用金性不改第二卷○又瓔珞經云五分法身以
識性別戒香攝身定香攝意慧香攝亂解慧攝倒
見度知攝無明是五分香瓔珞其身第二卷
像二平等性智觀一切法悉皆平等三妙觀察智

善觀諸法無碍而轉四成所作智成本願力所應
作事說轉八識而成四智則字函第十一卷○秘藏註云
佛轉八識而成四智者用八為大圓照智七為平
等性智六為妙觀察智前五為成所作智識唯分
別智能決斷佐字函第九卷○大乘莊嚴論序云轉八識
以成四智束四智以具三身事字函第十三卷○五眼度世
品經云佛言隨時開化入於五道而淨五眼一肉
眼處於世間現四大身因此開化度脫衆生二天
眼諸天在上及在世間未識至道示以三乘二慧
眼其不能解智度無極皆開化之使入大慧四法
眼其在編局不能恢秦悉開化之解法身一無去
來今平等三世五佛眼其迷惑者不識正真陰蓋
所覆譬如睡眠示以四等四恩之行布施持戒忍
辱精進一心智慧善權方便進退隨宜不失一切
令發正真道意跋字函第六卷○金剛經偈天眼通非礙
肉眼碍非通法眼唯觀俗慧眼直緣空佛眼如千
日照異軀還同圓明法界內無處不鑒容○楞嚴
經云阿那律見闍浮提如觀掌中菴摩羅菴諸菩
薩等見百千界十方如來窮盡微塵清淨國土無
所不矚衆生洞視不過分寸染字函第二卷○智度云菩

薩初發心時以肉眼見苦衆生心生慈愍學諸禪定修得五通以天眼遍見六道受種種身益加哀憐故求慧眼以救濟之得見衆生心相種種不同云何令彼得是實法故求法眼引導令入法中後求佛眼得一切智成就佛法名字韻第十一卷

○六通般若經云一神境通能起種種神變震動十方變一爲多變多爲一或隱或顯迅速無碍山崖牆壁直過如空陵虛往來猶如飛鳥地中出沒如出沒水身出煙燄如燎高原躰注衆流如銷雪嶺日月神德威勢難當以手按摩光明隱蔽轉身

自在二天耳通過人天耳能如實聞十方各如碗伽沙界情非情類種種音聲大小悉聞無障無碍三他心通能如實知十方沙界他有情類心心所法謂遍知他貪瞋癡等心離貪瞋癡等心乃至聚心散心小心大心寂靜不寂靜心解脫不解脫心皆如實知四宿住隨念通能如實念十方沙界一切有情一心十心乃至多百千心若一日若二日至多百千年劫如是時麁如是名姓死此生彼若廣若略若自若他諸宿住事皆能隨念五天眼通能如實見十方沙界情非情類種種色像死時生

時妙色龕色善趣惡趣若勝若劣復知隨業受生
差別或成就身語意惡行誹毀賢聖邪見因緣身
壞命終當墮惡趣或成就身語意妙行讚美賢聖
正見因緣身壞命終當生善趣六漏盡通能如實
知十方有情若自若他漏盡不盡此通依止金剛
喻定斷諸障習方得圓滿得不退轉菩薩地時於
一切漏不現前故亦名爲盡菩薩得漏盡通不墮
聲聞獨覺之地唯趣無上菩提

金字函
第四卷

○十八不共法。一。三智明。二。力。四辯。五。無畏。
○十八不共法。般若經云一無有誤失二無卒

暴音三無忘失念四無不定心五無種種想六無
不擇捨七志欲無退八精進無退九憶念無退十
般若無退十一解脫無退十二智見無退十三若
智若見於過去世無著無碍十四若智若見於現
在世無著無礙十五若智若見於未來世無著無
碍十六一切身業智爲前導隨智而轉十七一切
語業智爲前導隨智而轉十八一切意業智爲前
導隨智而轉此十八法唯佛獨爲字函
得不與二乘共
○第一卷

○三明。○法集經云一天眼智明者謂聲聞辟支
菩薩諸佛於天勝妙得彼天眼是名天眼智明二

宿命智明者佛於三世境界無有不知不同二乘是名宿命智明三漏盡智明者證見道時遠離四漏及煩惱皆氣所謂欲漏有漏見漏無明漏不同二乘所證是名漏盡智明

發字函
第二卷

○十力○般若云如來應正等覺於是處非處皆如實知是第一力於諸有情三世異熟皆如實知是第二力於諸世界種種差別皆如實知是第三力世間種種勝解差別皆如實知是第四力於諸有情諸根勝劣皆如實知是第五力於遍趣行皆如實知是第六力於諸靜慮乃至染靜安立差別

皆如實知是第七力見諸有情生死善惡皆如實知是第八力於諸有情無量劫中諸宿住事皆如實知是第九力於諸漏盡證真解脫所作已辦不受後有是第十力

嵒字函
第九卷

○四無碍辯○寶積經云一義無碍者於諸色義無罣碍故云何色義謂第一義云何第一義謂色不可得故成就如是第一義智名義無碍二法無碍者於諸色法如實觀察如實了知三詞無碍者謂於諸色以無碍智善巧言詞種種分別四說無碍者謂於諸色隨衆生機開示演說而於法界不

作二相香味觸法亦復如是

第十四卷
雜字函

○四無所畏。般若經云。一切智無畏。二漏盡無畏。三說障道無畏。四說苦盡道無畏。如是四種天人外道無能難其過失。

爲字函
第一卷

○復徵成佛以何心。○舉似阿難爲榜樣。宗鏡問以心爲宗理湏究竟。約有情界真妄似分不可雷同。有濫圓覺未審以何心爲宗。答三乘慕道見有差殊。錯指妄心以爲真實。二祖求此妄心不得。初祖於是傳衣。阿難執此妄心如來所以呵。尔如佛舉金臂語阿難言汝今見不阿難言見佛。

言汝何所見。阿難言我見如來舉光明拳耀我心目佛言汝將誰見。阿難言我將眼見佛告阿難汝今答我我光明拳耀汝心目汝目可見以何爲心。當我拳耀阿難言如來現今微心所在而我以心推窮尋遂即能推者我將爲心。佛告阿難此非汝心。阿難瞿然避座起白佛言此非我心。當名何等。佛告阿難此是前塵虛妄想相感汝真性由無始來認賊爲子。失汝元常故受輪轉。阿難白佛故我出家承事諸佛行諸難事。皆用此心。或退善根亦因此心。若此發明不是心者。我乃無心同諸土木。

離此覺知更無所有我實驚怖佛告阿難如來常說諸法所生唯心所現一切因果世界微塵因心成體乃至草葉咸有體性何況妙明心性而自無體若汝執於所了知性必爲心者此心即應離諸一切色香味觸諸塵事業別有全性如汝今聽我法因聲而有分別縱滅見聞覺知內守幽閑猶爲法塵分別影事我非勒汝執爲非心但汝於心微細揣摩若離前塵有分別性即真汝心若分別性離塵無體斯則前塵分別影事塵非常住若變滅時此心則同龜毛兔角則汝法身同於斷滅其誰

修證無生法忍古釋云能推者即是妄心皆有緣慮之用亦得名心然不是真心且妄心是真心上之影像故云汝身汝心皆是妙明心中所現之物若執此影像爲真影像滅時此心即斷故云若執塵緣即同斷滅以妄心攏塵成體如鏡中之像水上之波迷水執波波寧心滅迷鏡執像像滅心亡心若滅時即成斷見若知濕性不壞鏡體常明則波浪本空影像元寂故知諸佛境智徧界徧空凡夫身心如影如像若執末爲本以妄爲真生死現時方驗不實古聖云見礪不識金入燭始知錯

問真妄二心各以何義名心以何爲體以何爲相
答真心以靈知寂照爲心不空無住爲體實相爲
相妄心以六塵緣影爲心無性爲體攀緣愚慮爲
相此緣慮覺了能知之妄心而無自體但是前塵
隨境有無境來即生境去即滅因境而起全境是
心又因心照境全心是境各無自性唯是因緣故
法句經云燄光無水但陽氣耳陰中無色但緣氣
耳以熱時炎氣遠看似水但從想生唯陽氣耳此
虛妄色心亦復如是以自業爲因父母外塵爲緣
和合似現色心唯緣氣耳故圓覺云妄認四大六

塵緣影爲自心相故知此能推之心若無因緣即
不生起但從緣生緣生之法皆是無常如鏡裏之
形無體而全因外境似水中之月不實而虛現空
輪認此爲真愚之甚矣阿難因如來推破妄心乃
於五陰六入十二處十八界一一微細窮詰徹底
唯空皆無自性既非因緣自他和合而有又非自
然無因而生悉是意言識想分別因茲豁悟妙明
真心廣大含容徧一切處見十方空布觀手中所
持乘物一切世間諸所有物皆即菩提妙明元心
心精徧圓含裹十方及觀父母所生之身猶波十

方虛空之中吹一微塵若存若亡如湛巨海流一浮漚起滅無從了然自知獲本妙心常住不滅而說偈言妙湛趣持不動尊首楞嚴王世希有消我億劫艱倒想不歷僧祇獲法身

錄字函
第三卷

○會融真妄本來同○研究悟迷何得失

問若真心成佛妄覺墮凡則妄念違宗真心順覺斯乃真妄有二體用分離如何會通圓融一旨答真妄無性常契一原豈有二心而互相即以性淨無染妄不可得如幻刀不能斫石苦霧不能染空爲不了一心之人所以說即如合教問云無明即

法性無復無明與誰相即答如爲不識水人指水是水指水是水但有名字寧復有二物相即耶是知時節有異融結隨緣濕性常在未掌變動乃至卽凡卽聖亦復如是凡聖但名一體無異若凡夫執著此心造輪回業將菩提智轉成煩惱如大富盲兒坐寶藏中舉動墨礙爲寶所傷又二乘人厭棄此心求灰斷果將如來四德秘藏爲無常五陰謂是賊虎怕怖馳走縛脫雖殊取捨俱失若諦了者不起不滅無得無生了此妄心念念無體從何起執念念自離不湏斷滅尚不得一何況二乎

後

心不增減故譬如演若達多以鏡照而愛鏡中頭
嗔責已頭不見自怖狂走忽然狂歇頭非外來縱
未歇狂亦何遺失

第七卷

○業如膠膝何成道○我達真空可頓消
問衆生業果種子現行積劫所熏猶如膠膝云何
但了一心頓斷成佛答若執心境是實人法不空

徒經萬劫修行終不證於道果若頓了無我深達
物虛則能所俱消有何不證猶如微塵揚於猛吹
輕舸隨於迅流只恐不信一心自生艱阻且如勇
施菩薩因犯婬欲尚悟無生性比丘尼無心修行
亦證道果何況信解佛法諦了自心而無尅證或
有疑云豈不斷煩惱耶解曰但諦觀殺盜婬妄從
一心上起當處便寂何須更斷是以但了一心自
然萬境如幻何者以一切法皆從心生心既無形
法何有相高僧和尚譖大說教本窮無相理廣讚
元來不識心識取心了取境識心了境禪洞靜若

能了境便識心萬法都如闔婆影

第八卷

○悉具法身何隱顯○間有盲聾不見聞

問諸佛法身普偏衆生心既同一心云何有現不現答云常現無不現時或於一塵頓現無不具足或於諸塵普現無不周徧一塵頓現者如來眼睫丈殊寶冠彌勒閣中普賢毛孔淨名室裏摩耶腹中芥子針鋒近鑿遠剗悉能普現其唯一毘盧清淨法身之應用耳此法身者即是心也所以言若能諦觀心不二方見毗盧清淨身一念起惡心法身亦隨現一念善心生法身亦隨現乃至色處現

空處現自在無碍更莫遠推諸佛唯自一念空心是摩訶衍論云如來法身平等自然徧一切塵俱依衆生心現衆生心者猶如於鏡鏡若有垢色像不現衆生心垢法身不現其猶日月麗天育者不覩雷霆震地聾者不聞道契則隣不在身近故福人出世則琳琅現矣薄福者出荆棘生焉皆由自心有現不現若了心性之人悉皆平等顯現

卷

耳○速證菩提唯一念○遠求佛道在三祇

問成佛之理或云一念或云三祇未審定取何父

以卽後學答成佛之旨非在時劫遲速之教屬在
權宜故起信論明爲勇猛衆生成佛在於一念爲
懈怠者得果須滿三祇但形教迹之言盡成方便
如楞嚴經云如幻三摩提彈指超無學圓覺經云
知幻即離不作方便離幻即覺亦無漸次涅槃經
云屠兒廣額日殺千羊後發心已佛言於賢劫中
成佛諸大菩薩及阿羅漢疑云我等成佛於遠劫
廣額何故成佛在先佛言欲早成者卽早發遠成
者卽遠若頓見性卽一念成故知利鈍不同遲速
在我第七卷○又問卽心是佛則諸佛何假三祇

積德方成答爲復學一乘實法爲復趣五性權機
此論自證法門非述化儀方便且楞伽經說有四
佛一化佛隨機赴感二報生佛酬其往因三華嚴
佛智慧佛本覺顯照四如如佛理躬無二華嚴
經十佛一正覺佛無着見二願佛出生見三業報
佛深信見四住持佛隨順見五涅槃佛深
入見六法界佛普至見七心佛安住見八三昧佛
無量無依見九本性佛明了見十隨樂佛普授見

若依五教隨教不定一小乘教有二身佛一生身
二法身

二大乘初教有三身佛一法身二應三終教有四
身佛三理性身二法身四應化身四頓教唯一身佛實性圓
教有十身佛一衆生身二國士身三業報身四聲
八智身九法身十虛空身又約心成佛小乘以善心修成以
所得爲佛初教

性爲

終教

以心性相類教

必心本不圓教

以心無

盡

佛爲

終教

混爲佛

圓教

生爲佛

圓教

無盡

佛若以如如佛心佛本性佛誰人不具若以國土
法虛空身何法不圓則處處皆是寶坊丘陵誰立
念念咸成正覺妄想何分如盲者不覩光明非朝
陽夕魄之過咎似小果不聞圓頓豈佛心妙旨之
親疎但以法弱由於根微道廣在乎量大如教華
嚴成佛不離一念則毗目仙人執善財手善財見
身往十方刹無量佛所經微塵劫乃至放手善財
見身還在本處豈非本位不動遠近之刹歷然一
念靡移延促之時究爾

第六卷

○三乘見佛何差別○異業逢渠字不同

問無性理同一時成佛云何三乘見佛差別答隨
心感現影像不同自業差殊非佛有異觀一水而
俄分四等皆自見差共寶器而飯色不同非他業
變如涅槃經云十二因緣下智觀故得聲聞菩提
中智觀故得緣覺菩提上智觀故得聲聞菩提上
上智觀故得佛菩提又華嚴經云譬如海水潛流
地中有穿鑿者無不得水而彼大海不作分別我
出於水佛智海水亦復如是流入一切衆生心中
若諸衆生修習法門辨得智慧而如來智平等無

二無有分別但隨衆生心行異故所得智慧各各不同又偈云譬如水一味因器有差別佛福田亦然衆生心故異

第六卷

○因有發明稱見道○不無唯證乃方知

問三寶如虛空相非見聞之所及教中云何說見道又稱見佛答約本智發明假稱名見赤眼所覩唯證乃知若離斷常二邊即見自身清淨見身清淨即是見佛清淨乃至見一切法悉皆清淨無非是佛無非是法以自心性無生順物徧一切處故若一微塵不是佛者則成翳障不入普眼之門唯

墮能所之見又假名論偈云如來法爲身但應觀法性法性非所見然亦不能知法性者所謂空性無生性此即諸佛第一義身若見於此名為見佛

第七卷

○直了一心成道去○奚湏八相示修來

問直了此心是佛更用八相成佛不答若了此心即是天真佛不說成與不成若說成佛是助語亦是增語圓覺云一切如來妙圓覺心本無菩提及涅槃亦無成佛及不成佛無妄輪回及非輪回釋曰本無菩提及涅槃者此是轉號之語轉煩惱

故立菩提之號轉生死故得涅槃之名煩惱性空
生死本寂既無所轉之相亦無能轉之名無不成
佛者無妄輪回亦無成佛者無非輪回唯妙圓覺
心更無所有龐居士頌云十方同聚會箇箇學無
爲此是選佛場心空及第歸如是則自然應念登
科隨處及第何湏受記而待揚名者乎又古德歌
云不坐禪不持律妙覺心珠白如日當體虛玄一
物無阿誰承受燃燈佛卷八涅槃經云若言釋迦
從兜率天降神母胎乃至八相成道此是聲聞曲
見故爲劣解衆生母胎出現第六卷

○圓覺妙心雖沒體○湏知應物以成軀
問妙圓覺心既無所有云何教中說佛成正覺出
現世間等事答一是機熟衆生自心感現二是菩
薩因地本願然諸佛境界廣大無邊非情識所知
唯見性能了故知凡聖無際心竚一原真無性而
即相發明相無體而因真建立故云法身無像遇
感成形妙應無方隨念垂跡體無生滅不礙生滅
如非色約體非不色約用則法報一際體用無差
故云若以色聲取是入行邪道若離色聲求未免
斷滅見華嚴偈云色身非是佛音聲亦復然亦不

離色聲見佛神通力若論色聲亦是自心橫豎一切不出心性故

第八卷

○菩提雖不身心得○身心若斷菩提離問菩提即自身心者云何教中說菩提不可以身心得答菩提之道即心者乃是自性清淨心湛然不動蓋是正覺無相之真智其道虛玄妙絕常境聰者無以容其聽智者無以運其知辯者無以措其言像者無以狀其儀以迷人不了執色陰爲自身認能知爲自心故經云身如草木無所覺知心如幻化虛妄不實所以除其執取之心故云菩提

者不可身心得也菩提非是觸塵不可以身得菩提非是法塵不可以心得若就了人即達陰身本空妄心無相以本空故法身常現以無相故真心不虧如此發明五陰即菩提離是無菩提不可以菩提而求菩提不可以菩提而得菩提文殊云我不求菩提何以故菩提即我我即菩提故維摩經云菩提非所觀之境則無能緣之心所觀境空即實相菩提能緣心寂即自性菩提○又問佛言學我法者唯證乃知今言菩提者不可以身心得無修無證則初發菩提心入如何趣向答若能信悟

菩提無相不可取無性不呼修如是明達即是真

證富字函

第二卷

○他身不離於自身○彼化宛然從我化
問即自心成佛者還立他佛否若決定不立則無
諸佛威神護念便成斷見答以自心性徧一切處
故若見他佛即是自佛不壞自他之境唯是一心
如天帝釋不修天業宮殿何以隨身輪王不作王
因七寶無由聚集唯憑自善外感勝緣或有人念
佛佛現但彼佛非佛非非佛而鬼於佛何以故以
彼妄心希望現故是故彼佛非相本無相起緣非非相

謂非有非無不可量度也但彼凡夫隨心而有即
生現佛想或一向謂彼心外有佛不知自心和合
而有或一向謂心外無佛即爲謗正法也釋曰何
謂非相本無定相者以因心所現外相無體緣盡
即滅何相之有何謂非非相緣起諸相者既無無
定但隨緣現幻相不無若能不生分別不執自他
內不執有而取諸蘊外不執無而謗正法則開眼
合眼舉足下足非見非非見爲真見佛矣後字函第七卷
○影化爰從心感現○原夫豈是彼來迎
問既心外無佛見佛是心云何教中有說化佛來

迎生諸淨刹奢法身如來奉無生滅從真起化引接迷根以化即真真應一際即不來不去隨應物心又化體即真說無來去從真流化現有往還即不來相而來不見相而見也不來而來似水月之頗呈不見而見猶行雲之忽現○問如上所說真體則湛然不動化相則不來而來正是心外有他佛來迎云何證自心是佛答乃是如來本願功德力故令彼有緣衆生修集功德則自心感現佛身來迎不是諸佛實遣化身而來接引但是有緣衆生時機正合能令自心見佛來迎則佛身湛然常

寂無有去來衆生識心訖佛本願功德勝力自心變化有來有去如面鏡像似夢施爲鏡裏之形非內非外夢中之質不有不無但是自心非閻佛化是知淨業純熟日覩佛身惡果將成心現地獄如福德之者執礪成金業貧之人變金成礪礪非金而金現金非礪而礪生金生但是心生礪現唯從心現轉變是我金礪何從抱疑之徒可曉斯旨後

○休迷名位生分別○但明凡聖體交衆間成佛本理但是一心云何更立文殊普賢行位

之因釋迦彌勒名號之果乃至十方諸佛國土神
通變現種種法門答此是無名位之名位無因果
之因果是心作因是心成果是心標名是心立位
初後皆心因果同證只爲根機莫等所見不同若
以一法逗機終不齊成解脫湏各各示現引物歸
心雖開種種之名皆是一心之義若違自心取外
佛相勝妙之境則是顛倒所以華嚴經頌云若以
威德色種族而見人中調御師是爲病眼顛倒見
彼不能知最勝法 云何不見佛一為不識自心
二爲不明隱顯何者眾生之肉隱於本覺諸佛之

果顯於法身是故因隱之本覺乃果顯之法身果
能成因則佛之衆生果顯之法身乃因隱之本覺
因能辨果則衆生之佛故云凡聖交徹理事相含
矣沂云釋迦牟尼者釋迦此云能仁牟尼此云寂
默能仁者即心性無邊含容一切寂默者即心體
本寂動靜不平故弥勒者此云慈氏即是一心真
實之慈以心不守自性任物卷舒應現無方故弥
陀者此云無量壽即如理爲命以一心真如性無
盡故阿閦者此云不動即一心妙性湛然不動妙
覺位不能增無明地不能減故稱不動如三藏勒

那云徧入法界禮者良由行者想觀自己身心等
法從本以來不在法界諸佛身外亦不在諸佛身
內亦不在我外亦不在我內自性平等本無增減
今禮一佛徧通諸佛如一室中懸百千鏡有人觀
鏡鏡皆像現佛身清淨明逾彼鏡遙相涉入鏡無
不照影無不現此則攝他爲趣入他爲別一身旣
爾乃至一切法界聖凡之身亦復如是如稱一阿
彌陀佛名禮召一切諸佛無不周備○華嚴云一
切處文殊者文殊雖東來而即一切處是以法界
之身不動之智觸境斯了六根三業盡是文殊實

相體周萬象森羅無非般若何有一處非文殊哉

富字函
第四卷

相好品第四十九十則

○堂堂三十二妙相○赫赫八十種隨形

○三十二相般若經云如來足下有平滿相猶如
龕底地雖高下隨足所蹈坦然等觸是爲第一如
來足下千輻輪文輞轂衆相無不圓滿是爲第二
如來手足並皆柔軟如覩羅綿是爲第三如來兩
足一一指間猶如鴈王輓網交絡文同綺畫是爲
第四如來手足諸指圓滿纖長可愛是爲第五如

來足跟廣長圓滿與趺相繩是爲第六如來足趺修高光滿與跟相稱是爲第七如來雙脣漸次纖圓如鹿王脣是爲第八如來陰相勢峯藏密其猶龍馬是爲第十如來毛孔各一毛生紺青宛轉是爲第十一如來髮毛端皆上靡右旋宛轉是第十二如來身皮細薄潤滑堵水不住是第十三如來身皮金色晃耀諸寶莊嚴是第十四如來兩足兩掌中頸雙肩七處充滿是第十五如來肩項圓滿殊妙是第十六如來脇腋悉皆充實是第十七如來容儀

洪滿端正是第十八如來身相修廣端嚴是第九如來體相量等圓滿如諾瞿陀是第二十如來額臆并身上半威容廣大如師子王是二十一如來常光面各一尋是二十二如來齒相四十齊平湊密根深白逾珂雪是二十三如來四牙鮮白鋒利是二十四如來常得味中上味是二十五如來舌相薄淨廣長能覆面輪至耳髮際是二十六如來梵音詞韻和雅隨衆多少無不等聞是二十七如來眼睫猶若牛王紺青齊整是二十八如來眼晴紺青鮮白紅環間飾皎潔分明是二十九如來

面輪其猶滿月眉相皎淨如天帝弓是第三十
來眉間有白毫相柔軟如縣白逾珂雪是三十
如來頃上烏瑟賦沙高顯周圓猶如天蓋是三十一

二 崑字函
第九卷

○八十隨好又云如來指爪薄潤光淨如華赤銅
是爲第一如來手足指圓纖長筋骨不現是爲第
二如來手足各等無差指間充密是爲第三如來
手足圓滿如意色淨蓮花是爲第四如來筋脉盤
結堅固深隱不現是爲第五如來兩踝俱隱不現
是爲第六如來行步直進庠審如龍象王是爲第

七如來行步威容齊肅如師子王是爲第八如來
行步安平庠亭不過不減猶如牛王是爲第九如
來行步進止儀雅其猶鵝王是爲第十如來回顧
必皆右旋如龍象王舉身隨轉是第十一如來支
節漸次膚圓妙善安布是第十二如來骨節交結
無隙猶若龍盤是第十三如來膝輪妙善安布堅
固圓滿是第十四如來隱起其文妙好圓滿清淨
是第十五如來身支潤滑光柔塵垢不著是第十六
如來身容敦肅無畏常不怯弱是第十七如來
身支堅固稠密善相屬著是第十八如來身支安

定敦重曾不掉動是第十光如來身相猶若仙王
端嚴離翳是第二十如來身有周匝圓光恒自照
耀是二十一如來腹形方正不現衆相莊嚴是二
十二如來齊深圓妙光澤是二十三如來齊厚不
窪不凸是二十四如來皮膚遠離疥癬鰲鯀疣
是二十五如來手掌充滿柔軟足下安平是二十
六如來手文深長明直潤澤不斷是二十七如來
脣色如頻婆果上下相稱是二十八如來面門不
長不短不大不小如量端嚴是二十九如來舌相
軟薄廣長如赤銅色是第三十如來發聲威震深

遠明朗清徹是三十一如來音韻美妙具足如深
谷響是三十二如來鼻高脩而且直其孔不現是
三十三如來諸齒方整齊白是三十四如來諸牙
圓白光潔漸次鋒利是三十五如來眼淨青白分
明是三十六如來眼相脩廣猶如青蓮花葉是三
十七如來眼睫上下齊整稠密不白是三十八如
來雙眉長而不白綴而細軟是三十九如來雙眉
綺靡順次紺瑠璃色是第四十如來双眉高顯光
潤形如初月是四十一如來耳厚廣大修長輪埵
成就是四十二如來兩耳綺麗齊平是四十三如

來容儀能令見者無損無染皆生愛敬是四十四
如來額廣圓滿平正形相殊妙是四十五如來身
分上下圓滿如師子王威嚴無對是四十六如來
頭髮修長紺青稠密不白是四十七如來頭髮香
紫細軟潤澤旋轉是四十八如來頭髮齊整無亂
是四十九如來頭髮堅固不斷是第五十如來頭
髮光滑殊妙塵垢不著是五十一如來身分堅固
充實逾那羅延是五十二如來身體長大端直是
五十三如來諸竅清淨圓好是五十四如來身支
勢力殊勝無與等者是五十五如來身相衆所樂

顰常無厭足是五十六如來面輪脩廣得所皎潔
光淨如秋滿月是五十七如來顏貌舒泰光顯含
笑先言唯向不背是五十八如來面貞光澤熙怡
遠離穎鍼是五十九如來身支清淨無垢常無臭
穢是第六十如來毛孔常出如意微妙之香是六
十一如來面門常出最上殊勝之香是六十二如
來頭相周圓妙好如末達那亦猶天蓋是六十三
如來身毛紺青光淨如孔雀項是六十四如來法
音膚衆大小不增不減應理無著是六十五如來
頸相無能見者是六十六如來手足指約分明如

赤銅色是六十七如來行時其足去地如四指量而現師父是六十八如來自持不待他衛身無傾動心不逶迤是六十九如來威德遠震一切惡心見喜恐怖見安是第七十如來音聲不高不下隨衆生意和悅與言是七十一如來能隨諸有情類言音意樂而爲說法是七十二如來一音演誦正法隨類得解是七十三如來說法咸依次第必有因緣言無不善是七十四如來等觀諸有情類讚善毀惡而無愛憎是七十五如來所爲先觀後作軌範具足是七十六如來相好無能觀盡是七十

七如來頂骨堅實圓滿是七十八如來顏容常少不老是七十九如來手足及脣脰前吉祥德相是

第八十

嵐宇爾
第十卷

○華嚴圓教云毗盧遮那如來

相海舉及九十七種乃至十華藏世界海微塵數大人相一一身分衆寶妙相以爲莊嚴

文繁不錄
出育寧函

卷第八

○佛佛莊嚴諸相好○頭頭皆對夙因招

寶女經問如來所得三十二相何業成就佛答如來持淨戒故得足下平滿相修施業故得千輻輪相不欺諸衆生故得足跟膚相護正法故得指纖

長相不壞他衆故得網繻相妙服奉施故得手足
輒相淨飲食施故得七處滿相喜聞佛法故得鹿
王膚相覆藏他過故得陰藏相脩善法故得上身
如師子王相善法化衆生故得缺骨平滿相救護
怖畏故得臂肘膚相見他事業樂佐助故得手摩
膝相當修十善故得清淨身相當施病藥故所食
之物至喉悉現相當發莊嚴修善法故得師子頰
相於諸衆生心平等故得四十齒相和合諍訟故
得齒密相玲寶施故得齒齊相身口意淨故得二
牙白相護口四過故得廣長舌相成就無量功德

故得味中上味相於衆生中常軟語故得梵音相
修習慈心故得紺色目相至心求菩提故得牛王
曇相讚他功德故得白毫相恭敬父母師長和尚
故得肉髻相樂說深法故得身柔軟相施敷具故
得金光相遠離聚說世間事故得一一孔一毛生
相愛受善友師長教勑故得身毛上靡相不以惡
事加衆生故得髮色金精相當觀衆生脩三昧故
得身圓滿如尼拘陀相生生之趣作佛像故得那

羅延力相

位字兩第六卷

○足輪履處亟皆化○身影遞時鵠離驚

彌集云佛金剛身若行之時其足離地四寸千輻

輪相敍跡現於地而足下諸重七日安隱命終生

天帳字函第三卷○婆沙論云佛與舍利子經行時有一

鳥爲鷲所逐驚怖便趣舍利子影怖猶不止舉身

戰慄復趣佛影身心坦然時舍利子曰佛如何鳥

至我影猶有恐懼纔入佛影身心無怖世尊告曰汝六十劫脩不害意我於三大無數劫中脩不害

意汝有害習我已求斷退字函第二卷

妙音妙相誠難遇○纔覩纔聞益不輕

華嚴經云如來一切饒益衆生若有得見如來色

身眼得清淨若有得聞如來名號耳得清淨若有得貌如來戒香鼻得清淨若有得掌如來法味舌得清淨具廣長舌解語言法若有得觸如來光者身得清淨究竟獲得無上法身若於如來生憶念者則得念佛三昧清淨若有供養如來所經土地及塔廟者亦具善根滅諸煩惱得賢聖樂設有衆生見聞於佛業障纏覆不生信樂亦種善根無空過者乃至究竟入於涅槃第二卷○真機如實談無相俗諦權宜舉色身○金剛偈云如來舉身相爲順世間情恐人生斷見權且立虛名假言三十

仁八十也空聲有身非覺體無相乃真形。智度論問曰諸佛皆無相相今何以故說三十二相答曰佛法二諦一者世諦故說三十二相二者第一義諦故說無相又二種道一者令衆生脩福道故說三十二相二者慧道故說無相爲生身故說三十二相爲法身故說無相佛身以三十二相莊嚴法身以十力四無畏四無碍十八不共諸功德莊嚴又有二種衆生一者知諸法假名衆生爲說三十二相二者著名字衆生爲說無相建宇國第九卷

○吾佛元從心上證○時人切忌相邊求

宗鏡云昔釋迦在於僧中演無上道與僧不異維摩在俗說解脫果與俗不殊勝鬘女人說大乘法女相不改善星比丘行闡提行僧相不移此乃正據其心內解與不解以爲差隔何關色身男女相貌衣服好醜若言形體諾改貌逐悟遷是聖者則瞿曇形改方成釋迦維摩相遷乃爲金粟即知證是心證非是形遷悟是智變非關相異如世間有官之人官雖改迂貌豈有別故知萬事無不由心但證自心言下成聖若不識道具相奚爲故金剛經云若以三十二相見如來者轉輪聖王則是如

來古人云若不達此理縱然步步脚踏蓮花亦同

魔作

侈字函
第五卷

神足品第五十五則

○神力無礙十般通○妙用縱橫十八變
華嚴經云十種神力無碍用何等爲十所謂以不可說世界置一塵中無碍用於一塵中現等法界
一切佛刹無碍用以一切大海水置一毛孔周旋
往返十方世界而於衆生無所燭燒無碍用以不可說世界內自身中示現一切神通所作無碍用
以一毛繫不可數金剛圍山持以遊行一切世界

不令衆生生恐怖心無碍用以不可說劫作一劫
一劫作不可說劫於中示現成壞差別不令衆生
心有恐怖無碍用一切世界現水火風災種種變
壞而不惱衆生無碍用一切世界三灾壞時悉能
護持一切衆生資生之具不令損缺無碍用以一
手持不思議世界擲不可說世界之外不令衆生
有驚怖想無碍用說一切刹同於虛空令諸衆生
悉得悟解無碍用第六卷○瑜伽云十八變一者
震動謂能普動一切世界二者熾然謂從身上發
焰身下注水三者流布謂流光遍照四者示現謂

隨所欲示彼佛土惡趣五者轉變謂於其地起水
勝解即令成水火風勝解亦復如是六者往來謂
隨所樂於山石中往來無碍七者卷八者舒謂能
舒卷雪山王等九者衆像入身謂能以現前大眾
一切大地內已身中十者同類往趣謂能往彼同
其色類十一者隱十二者顯十三所作自在謂能
往來去住皆無所碍十四制他神通謂他現通悉
能制伏十五能施辯才謂能與諸有情辯才十六
能施憶念謂諸有情於法失念能與憶念十七能
施安樂謂說法時令彼聽者身心安樂十八放光

謂身放光明作諸佛事

因字函第十七卷

○威稜但化下中機○實相應投向上者

宗鏡問若不具神變將何攝化答若純取事相神
通有違真趣如輔行記云修三昧者忽發神通須
急棄之有漏之法虛妄故也故止觀云能障般若
何者種智般若自具諸法能泯諸相未具以來但
安於理何須事通若專於通是則障理又不唯障
理反受其殃如鬍頭勝義之徒即斯類矣夫真神
變者無非演一乘門談無生理一言契道當生死
而證涅槃目擊明宗即塵勞而成正覺刹那而革

凡爲聖須臾而變有歸空以此作用豈非神變耶
雜摩經云以神通慧化愚癡衆生若上上根人只
令觀身實相觀佛亦然如彭城王問諸大德與我
左腋出水右腋出火飛騰虛空放光動地我即禮
汝爲師牛頭融大師答云今若責我如此證果者
恐與道乖審如是成佛者幻師亦得作佛不唯幻
師作佛天魔外道妖狐精魅鬼神龍蟻皆成佛道

後字函
第五卷

○祇知變化謂神通○那識作爲皆妙用

又問博地凡夫位齊諸佛者云何不具諸佛神通

作用茶非是不具但衆生不知故華嚴宗云佛證
衆生之體用衆生之用所以志公歌云任縱橫絕
忌諱長在人間不居世運用不離聲色中歷劫何
曾暫拋棄又學人問大安和尚如何是諸佛神通
師云汝從何處來對曰江西來師云莫是謾語不
對云終不謬言學人再問如何是神通師云果然
妄語斯皆可驗並是現前日用不知豈可更論具
不具耶龐居士偈云世人多重金我愛利那靜金
多亂人心靜見眞如性心通法亦通十八斷行蹤
但自心無礙何愁神不通如是解者自然成辦一

切佛事 同上卷

十號品第五十一 三則

○仰惟獨尊十號足。○何異一金千器分菩薩善戒經云如來具足十種名號所謂如來應供正漏知明行足善逝世間解無上士調御丈夫天人師佛世尊無虛妄故為如來良編田故名為應供知法界故名正漏知具三明故名明行足不來還故名為善逝知二世間故一者國土此間二者衆生出生間是名此間解能調伏衆生身心惡故名調御丈夫能為衆生作眼目故為天人師知善法聚不善法聚

非善非不善法聚是名為佛一土之中無二佛故名為世尊賢字函第三卷○涅槃經

○宗鏡云因心立

法隨法得名處聖稱真居凡號俗似金作器隨器得名在指曰鍔飾臂名鉶則一心不動執別號而萬法成差真金匪移認異名而千器不等若知法法全心作器器盡金成名相不能干是非焉能惑

後字函
第二卷

○佛本無形安可號○兔寧有角可當名

宗鏡云體非名而不辯名非體而不施言體必假其名語名必籍其體今之體外施名者此但名其

無軀耳豈有軀當其名耶。鄙兔無角而施名。此則
名其無角耳。豈有角當其名邪。後字函
第二卷

大藏一覽集卷之八

大藏一覽集卷之八

大藏一覽集卷第九

寧德優婆塞陳實譜編

第八門。四十九年苦口未後一笑收功。

九九品因緣三百五十九則

教相品第五十二 持誦品第五十三

唐梵品第五十四

教相品第五十二

○世尊七日作思惟。大梵三勤而請說。釋迦譜云。如來菩提樹下成等正覺於七日中思惟我所得法甚深微妙。唯佛與佛乃能知之一切。

衆生愚癡邪見無有智慧云何能解我所得法我今若爲轉法輪者彼必迷惑不能信受而生謔謗當墮惡道我寧默然入般涅槃爾時大梵天主禮足圍繞白言世尊久住生死捨於國城妻子頭目髓腦爲求法故今日法海已滿法幢已立開導正時云何涅槃三請說法

妙字函

○摠十二部修多羅○別分三藏經律論

涅槃云佛說十二部經謂修多羅祇夜受記伽陀優陀那尼陀那阿波陀那伊帝目多伽闍陀伽毗佛略阿浮陀達磨優波提舍何等名修多羅經從

如是我聞至歡喜奉行何等名祇夜經如佛爲衆說契經竟復有衆生後至佛因本經以偈頌曰何等名受記經如來說時爲諸天人受佛記荅何等名伽陀經除修多羅及諸戒律其餘有說四句之偈謂諸惡莫作衆善奉行自淨其意是諸佛教何等名優陀那經佛從定起無問自說何等名尼陀那經知其本末因緣而說偈言何等名阿波陀那經如戒律中所說辭喻何等名伊帝目多伽經如佛所說名曰戒經何等名闍陀伽經說佛因地修諸苦行何等名毗佛略經大乘方等其義廣大何

等名未曾有經說佛初生能行七步至入天廟令
像起禮何等名優波提舍經分別廣說辯其相貌

第一字國。第三卷。阿毗曇論問修多羅毗尼阿毗曇三藏

有何差別答曰或有說者無有差別所以者何皆
從一智海說故復有說者亦有差別爲分別心名
憍多羅爲分別戒名爲毗尼爲分別慧名阿毗曇
復次爲初入法名修多羅已八法中爲受持戒名
曰毗尼已受戒者爲令正解名阿毗曇。問曰迦
旃延尊者以何因緣造作此經答曰饒益他故若
是受持通利憶念所有煩惱及諸惡作不現在前

以此勤修能入法相辭如有人欲饒益他於黑闇
中然大燈明爲有目者見種種色尊者亦爾佛亦
如是爲饒益他說十二部經所以者何若是衆生
雖有內因無外緣者終不能修勝進之行若遇外
緣則能修行辭如闇室有種種物若無燈照終不
可見有燈則見衆生亦然雖有內因若無外緣終
不能修勝進之行若遇外緣則能修習佛即說偈
曰

辭如闇室中 虽有種種物 若無燈明照
有目不能見 若人雖有智 不從他聞法

是人終不能 分別善惡義

京字國第一卷

○藏師初判作五乘○長者復分爲十教

合論云唐藏法師立五乘教一小乘教聲聞緣覺之學二大乘始教三終教始終二教並隨地位漸次修成俱爲漸教四頓教但一念不生即名爲佛不從地位漸次而說五圓教眞俗互融具足圓滿一即一切一切即一無礙法門○長者立十教

第一時說小乘有教者爲諸凡夫繫著世法以爲實有隨於色塵作諸不善以不善故墮於惡趣還將有法纏勒彼心以戒防護制諸不善故名有教

第二時說般若破有明空教者既說小乘實有戒其身口意業令住善法方說法空破彼繫著漸向法身第三時說解深密經爲和會空有教者令彼空有不滯一邊爲不空不有教以二乘人滅識證寂住寂無知爲回彼故寄說阿陀那識爲第九純淨識如五六七八等識常依九識以爲依止凡愚不了妄執爲我如水瀑流不離水體諸波浪等以水爲依五六七八識常以淨識爲依何故安立九識爲淨識者爲二乘人久在生死業種六七八識有怖畏故恐彼難信方便於生死種外別立

淨識使令悲智漸漸得生達識成智 第四時說
楞伽經明假即真教者直爲大衆根堪之者頓說
第八業種之識名爲如來藏識明與無明其性不
二此教雖說無明業種成智猶希出俗未現同塵
也 第五時說維摩經即俗恒真教者破前四種
教中聲聞菩薩染淨未融常忻出俗即以淨名俗
士明即俗常真使三乘衆淨相心亡出俗入鄧平
等無礙方明實德也 第六時說法華經引權歸
實教者爲羅漢隨空會寂緣覺會十二緣生法皆
無體性如是二人皆心識滅三界業滅智慈不生

又衣折法明空以空破惑樂生淨土及留惑潤生
菩薩並不了一切衆生無明諸惑皆從一切如來
根本智性之所生所以見有淨土穢土自佛他佛
若忻若厭不稱眞理引此三根令歸本智故 第
七說涅槃經時令諸三乘捨權向實教者以前三
乘慢不信故不得成佛此明一切有情皆有佛性
與佛無異捨權就實相盡見性之門 第八說華
嚴經時於剎那際通攝三世間融教者性智本無
時故法界體無碍故如圓珠無方如明鏡頓照設
括始終一際圓滿無成無壞無出無沒常轉法輪

第九共不共教者說大衆經人天三乘雖是同聞得益各別如聲聞在華嚴會上若盲若聾是名共不共教第十不共共教者華嚴經中十方雲集諸來菩薩方來雖異共會說法是名不共共教如是辨明教相差殊使始學之流知其權實也

卷三

○但原觀色之一法隨機立教有多般宗鏡云故知立教皆爲對機機宜不同教分多種且如觀色一法五教證入不同初小乘見是實色不說性空初教見此色法從緣所成必無自

性即空無所有如波歸水終教見色空無碍以真空不守自性隨緣成色即是幻色虛相無眞是故色即空而常泯空即色而常存要由自盡之色方是空色成色之空乃是真空舉粹互融無有障礙如水入波頓教一色法無非真理所收是故此色即真理一味更無別法而可顯說水波雙絳○圓教起即全收一多互攝同時成立一塊圓明隨舉即色隨舉即空義味自在隨智取用何以故隨舉一門無不顯現古德云皆本一心而貫諸法

車字函
第七卷

卷九

三

○醫王用藥分三品○如來逗教亦復然

又云辭如上醫以非藥爲藥中醫以藥爲藥下醫藥成非藥且非藥爲藥者如云無有一物不是乎藥攬草皆成如行非道而逼佛道即煩惱而成菩提以藥爲藥者即應病與藥隨手痊愈附子治風橘皮消氣之類如觀根授法思量多者修數息觀嬌欲多者修不淨觀之類藥爲非藥者不識病源又增其疾如說法者不逞其機則醍醐上味爲世珍奇遇斯等人翻成毒藥宿守函第三卷

○因其中道以辭遙○遂設化城令暫息

法華經云佛告比丘當知如來方便深入衆生之性知其志樂小法深著五欲爲是等故說於涅槃是人若聞則便信受辭如五百由旬險惡之處有一導師善知險道通塞之相將導衆人欲過此難至珍寶處所將人衆中道懈退白導師言我等疲極前路猶遠今欲退還導師愍彼捨大珍寶以方便力於險道中化作一城告衆人言汝莫退還今此大城可於中止是時疲極之衆心大歡喜前入化城生安隱想爾時導師知此人衆既得止息無復疲倦而滅化城語衆人言寶所在近向者大城

我所化作為止息耳如來導師亦復如是知諸生死惡道懸遠若諸衆生聞一乘者便作是念佛道長遠久受勤苦乃可得成佛知怯劣以方便力而於中道為止息故說二涅槃若衆生住於二地如來即便為說汝等所作未辦汝所住地近於佛慧應當籌量所得涅槃未真實也但是如來方便之力於一佛乘方便說三竹字函
第三卷

要集云昔一聚

落去王城五由旬彼有美水王勑日日送水村人疲苦悉欲逃移村主語之汝等莫去我當為汝白王跋五由旬作三由旬使汝得近往來不疲即往

白玉王為改之作三由旬衆人聞已便大歡喜世間之人修行正法度於五道向涅槃城心生疲倦便欲捨離如來法王有六方便於一乘法分別說三小乘之人聞之歡喜以為易行進德求度如彼村人亦復如是帳子函
第二卷

○說諸法相分三種○依他遍計與圓成

瑜伽論云如來說諸法相略有三種一者遍計所執相謂一切法名假空立自性差別乃至為令隨起言說二者依他起相謂一切法緣生自性則此有故彼有此生故彼生謂無明緣行乃至招集純

大苦蘊三者諸法圓成相謂一切法平等真如漸
漸修集乃至菩提方證圓滿如眩翳人眼有翳病
遍計執相當知亦爾如眩翳人青黃等相差別現
前依他起相當知亦爾如彈眼人離眩翳患本性
所行無亂境界圓成實相當知亦爾

第四卷

○語默視聽皆爲說○見聞知覺豈非聽

宗鏡云語默動靜無非佛事如雲臺寶網盡演妙
音毛孔光明皆能說法音續世界食香飯而三昧
顯極樂國土聽風柯而正念成絲竹可以傳心目
擊以之存道既語默視聽皆說則聞見覺知盡聽

苟能得訣契神何必要因言說如琴中傳意於秦
王脫荆軻之手相如調文君之女終獲隨草帝釋
有法樂之臣馬鳴有和羅之技皆絲竹傳心也目
擊道存者莊子云夫子欲見溫伯雪子久而不見
及見寂無一言及出子路怪而問曰夫子欲見溫
伯雪子久矣何以寂無一言子曰若斯人者目擊
而道存亦不可以容聲者矣若雲臺若寶網若毛
孔若光明皆能說法者華嚴經中可見

第四卷

○善哉若有聞法人○由斯無一不成佛昔

宗鏡舉法華經偈云若有聞法者無一不成佛昔

泥蛤聞法而生天故事見十善品既象聽經而悛惡見故事

品比丘信受而獲果女人恩惟而悟空

故事見雜種定品

雜種定品

○第六卷

○或因惡境接衆生。譬若蓮花開烈日

大乘論云有時菩薩正居王位或現種種逼惱衆生是以安立於戒律中。釋曰衆生有二種或宜歡喜教化譬如拘物頭花因涼月開敷或宜逼惱教化譬如蓮花因烈日開敷菩薩亦爾如那羅王及毒財童子或現可愛事或現可畏事安立衆生於善處

與字函第四卷

○然佛從來平等法。接物何嘗貴賤分

大莊嚴論云佛難波斯匿王分別出家貴賤我不以爲貴選擇王賢等亦度下賤優波離等我不齊爲大富長者須達多等亦度貪賤須賴多等我不齊爲大智舍利弗亦爲鉢根周離槃特等我不齊爲少欲知足摩訶迦葉亦爲多欲婆難陀等我不齊爲耆舊宿德優樓頻螺迦葉亦爲幼稚須陀耶等我不齊爲憍慢婆迦賴等亦爲極惡鷲掘摩羅我不齊爲多智男子而爲說法亦爲淺智女人而爲說法佛告波斯匿王若娶婦嫁女應擇種姓此

佛法中唯觀宿世善惡因緣不擇種姓唯觀信施
不觀珍寶索戒清淨不索家門清淨偈曰

佛法無偏黨 平等示正道 爲一切衆生
作安隱正路 譬如大市中 示買一切物
我法市亦爾 不擇其種姓君字幽第七卷

○豈是文殊不知者。俯爲衆生故問之。
涅槃經云佛答文殊譬如輪寶上下回轉如來說
法亦復如是能令下趣諸惡衆生上生人天乃至
佛道是故汝今不應讚言如來於此更轉法輪文
殊白佛我於此義兆焉不知所以問者爲欲利益

諸衆生故

第一卷

○若受如來所說法。甘投火聚願求聞

華嚴經云菩薩勤求佛法所有珍財皆無憚惜不
見有物難得可重但於能說佛法之人生難遭想
是故菩薩於內外財爲求佛法悉能捨施無有恭敬
而不能行無有憍慢而不能捨無有承事而不能
作無有勤苦而不能受若聞一句未曾聞法生
大歡喜勝得轉輪王位若得一偈未曾聞法能淨
菩薩行勝得帝釋梵王位住無量劫若有人言我
有一句佛所說法能淨菩薩行汝今若能入大火

坑受極大苦當以相與菩薩尔時作如是念我以一句佛所說法淨菩薩行故假使三千大千世界大火滿中尚欲從於梵天之上投身而下况小火坑而不能入然我今者爲求佛法應受一切地獄衆苦何況人中諸小苦惱菩薩如是求於佛法如其所聞觀察修行非但口言而可清淨

愛字函第十五卷

○聽法之人不宗敬○如斯之輩莫與談菩薩戒經人在高處已身處下不應說法除爲病患心不信者不應爲說不厭生死者不應爲說人在已前人覆頸者求過失者不應爲說何以故諸

佛菩薩恭敬法故若說法者尊重於法聽法之人亦生宗敬至心聽受不生輕慢是名清淨說

賢字函第

卷三

○按教明心指標月○由文見義色因燈

圓覺經云修多羅教如標月指若復見月了知所標畢竟非月一切如來種種言說開示菩薩亦復如是楞伽經云佛告大慧善於語義知語與義不一不異義之與語亦復如是若義異語則不應因語而顯於義而因語見義如燈照色大慧譬如有人持燈照物知物如是在如是處菩薩亦爾因

語言燈入離言說自證境界四字函

第四卷

○燈雖顯色見由眼○眼非見性乃由心
楞嚴經云佛告阿難諸盲無眼唯觀黑暗與有眼
人處於暗室二黑有別爲無有別如是世尊此暗
中人與彼群盲二黑校量曾無有異阿難若無眼
人全見前黑忽得眼光還於前塵見種種色名眼
見者彼暗中人全見前黑忽獲燈光亦於前塵見
種種色應名燈見若燈見者燈能有見又則燈觀
何關汝事是故當知燈能顯色如是見者是眼非
燈眼能顯色如是見性是心非眼染字函

第一卷

○依趣於義不依文○依趣於智不依識

寶積經云菩薩修行般若波羅蜜多故於四依趣
善能具足所謂依趣於義不依趣文依趣於智不
依趣識依趣於了義經不依趣不了義經依趣於
法不依趣數取趣者云何名爲依趣於義不依文
所言文者謂世間法傳習文詞所言義者謂通達
出世間法乃至如來所演八萬四千法藏聲教皆
名爲文詞離一切言音文字理不可說是名爲義
云何依趣於智不依趣識謂善巧了知諸有言教
數取趣義是名爲識此不應依諸有言教如法性

義即是於智此應依趣云何不依趣不了義經依趣了義經若諸經中說世俗諦名不了義說勝義諦名爲了義乃至經中所說厭背生死欣樂涅槃名不了義若有宣說生死涅槃二無差別是名了義云何依趣於法不依趣數取者若有依止數取之見諸所緣法如是之相名數取者如來依世俗諦爲衆生說若有衆生於此言教起於執著如是等類不應依趣何以故如來欲令於彼正依趣故說如是汝汝等依趣諸法實性無宜依趣彼數取者倘等是爲諸法實性謂無有變異無有增益無

作無不作不住無根本如是之相是名法性

官字
兩第

卷二
○攝心歸一麁無便如龜藏六狗難傷

宗鏡舉禪門中云不怕念起唯慮覺遲又云憎起是病不續是藥是以初心禪念爲先走入道之階漸昔佛在世有一道人在河邊樹下學道十二年中貪想不除目色耳聲身靜音遊曾無寧息十二年中不能得道佛知可度化作沙門往至其所樹下共宿須臾月明有龜從河中出來至樹下復有水狗覬行求食與龜相逢便欲取龜龜縮頭尾及

其四脚藏於甲中不能得噉水狗小遠復出頭足
行步如故不能奈何遂乃得脫於是道人問化沙
門此龜有護命之鎧水狗不能得其便化沙門答
言吾念世人不知此龜不知無常放恣六情外魔
得便即誣偈言 藏六如龜防意如城慧與魔戰
勝則無患

事理卷八

○四相人我壽衆生○四病作止并任滅

附理事障

金剛經云若菩薩有我相人相衆生相壽者相即
非菩薩助深記注云我相謂於自身不計爲我故
人相不計我轉趣餘趣爲人故衆生相不計我盛

衰苦樂爲衆生故壽者相不計我一報命根不斷
爲壽者故今菩薩既亡四相已達身空即除我執
○又有注云無我者則無色受想行識之見也無
人者了四大不實終歸地水火風也無衆生者則
無生滅心也無壽者者則我身本空寧有壽者四
相既空法眼明矣 ○圓覺經云彼善知識所證
妙法應離四病一者作病有作是言我於本心作
種種行欲求圓覺彼圓覺性非作得故說名爲病
二者任病有作是言我等今者不斷生死不求涅
槃涅槃生死無起滅念住彼一切隨諸法性欲求

圓覺彼圓覺性非任有故說名爲病三者止病有作是言我今自心永息諸念得一切性寂然平等欲求圓覺彼圓覺性非止合故說名爲病四者滅病有作是言我令求斷一切煩惱身心畢竟空無所有何況根塵虛妄境界一切永寂欲求圓覺彼圓覺性非寂相故說名爲病悉當離之○又云理事二障一者理障礙正知見二者事障續諸生死若捨貪欲先除事障未斷理障但能悟入聲聞緣覺未能顯住菩薩境界欲沉如來大圓覺海先當發願勤斷二障二障已伏即能悟入菩薩境界若

二障已永斷滅即入如來微妙圓覺

○有爲無爲善巧修○有餘無餘涅槃界般若經云菩薩於一切法遍攝有爲無爲應修善巧云何名有爲謂妙善身語意行是名有爲云何無爲即以如是妙善身語意行回向於菩伐若此云是名無爲又復有爲即是積集五到彼岸謂布施持戒忍辱精進靜慮是名有爲若由般若波羅蜜多無爲智故別五到彼岸如此妙智及以回向一切智智是名無爲善巧官宇爾第三卷○增一阿含經云佛告比丘有二涅槃有餘涅槃界無餘涅槃

果於是滅五下分結不還此世是謂有餘涅槃界
盡有漏成無漏意解脫智慧解脫而自遊戲生死
已盡梵行已立所作已辦不復受有如實知之是
謂無餘涅槃界闡字函第七卷宗鏡舉恩益經云諸佛出
世不爲令衆生出生死入涅槃但是度生死涅槃
之二見萬字函第一卷

○善財能發菩提心○彌勒稱揚佛種子

華嚴經云彌勒菩薩指善財童子告大衆言此長
者子曩於福城受文殊教展轉經由諸善知識已
然後來至我所發心救護一切衆生爲四流漂泊

者造大法船爲被具拯沒溺者立大法橋爲被癡
暗昏迷者然大智燈爲行生死曠野者開示聖道
爲嬰煩惱重病者調和法藥爲遭生老死苦者飲
以甘露爲入貪恚癡火者沃以定水近惡交者示
其善友樂凡法者誨以聖法著生死者令趣智城
此長者子恒以此行救護衆生發菩提心未嘗休
息善男子餘諸菩薩經無量劫乃能滿足菩薩願
行乃能親近諸佛菩提此長者子於一生內具足
成就善男子菩提心者猶如種子能生一切諸佛
法故菩提心者猶如良田能長衆生白淨法故菩

提心者猶如大地能持一切諸世間故菩提心者
猶如淨水能洗一切煩惱垢故菩提心者猶如大
風普於世間無所礙故菩提心者猶如盛火能燒
一切諸見新故菩提心者猶如帝王一切願中得
自在故菩提心者猶如虛空諸妙功德廣無邊故
菩菩提心者猶如蓮花不染一切世間法故菩提心
者如如意珠周給諸貧乏故菩提心者如功德鉢
滿足一切衆生心故菩提心者如那羅延能摧一
切我見敵故菩提心者如勇將幢能伏一切諸魔
軍故菩提心者猶如湧泉生智慧水無窮盡故菩

提心者則爲所歸不拒一切來者故菩提心者則
爲義利能除一切衰惱事故菩提心者則爲妙寶
能令一切心歡喜故菩提心者如大施會充滿一
切衆生心故菩提心者如佛支提一切世間應供
養故善男子菩提心者成就如是無量功德舉要
言之三世如來從菩提心而出生故善男子如人
學射先安其足後習其法菩薩摩訶薩亦復如是
先當安住菩提之心然後修行一切佛法善男子
如人護身先護命根菩薩摩訶薩護持佛法亦當
先護菩提之心善男子譬如有人命根若斷不能

利益父母宗親菩薩摩訶薩捨菩提心不能利益
一切衆生不能成就諸佛功德善男子譬如王子
雖於臣佐之中未得自在已具王相不與一切諸
臣佐等以生處尊勝故菩薩摩訶薩雖於一切業
煩惱中未得自在然已具足菩提之相不與一切
二乘齊等以種性第一故善男子譬如金剛雖破
不全一切衆寶猶不能及菩提心金剛雖復志劣
少有虧損猶勝一切二乘功德善男子譬如金剛
非凡人之所得菩提心金剛非劣意衆生之所能
得善男子譬如金剛不識寶人不知其能不得其

一
用菩提心金剛不知法人不了其能不得其用善
男子譬如金剛餘不能持唯金剛之所能持菩提
之心聲聞緣覺皆不能持唯趣薩婆若者善男子
若有衆生發阿耨多羅三藐三菩提心者則獲如
是勝功德法臣字函第八卷。又善財叅彌伽大士自
言我已先發菩提心而未知云何學菩薩行彌伽
遽即下座於善財前散花作禮讚言善哉能發菩
提心者則爲不斷一切佛種則爲成熟一切衆生
乃至則爲一切天龍禮敬如是讚已還昇本座為

○法界觀通大千卷○六相義圓無量門

卷九

法界觀云華嚴大教浩博難明杜順和尚文殊應身以自智見華嚴一真法界揔該萬有即是一心其中諸佛衆生若國土若莊嚴義境無量於無量境集其義類揔舉色空理事爲例束爲三重觀門一曰真空法界二曰理事無礙三曰周徧含容若達此三門則法界重重縱橫達矣第一真空觀聖法東也原其實體但是本心今簡非虛妄念慮故云真也簡非形礙色相故云空也復開四句一會色歸空以色華本是真如一心與生滅和會名阿賴耶識等變起根身器界今推之都無其跡歸於真心之空非斷滅空二明空即色凡是以是真空心不異色

真空既不異色亦不易一切法以上二觀復開八門畢竟不出此理冗不盡錄詳見本文三空色無礙謂色舉體全盡色之空則色盡而空現不隱也若色是實色即礙於空空是斷空即礙於色今既色是幻色故不得空空是真空故不得色四泯絕無寄所觀真空不可言即色不即色亦不可言即空不即空一切法皆不可不可不無寄非言所及

第二理事無礙所謂觀能前雖說色是箇情計以無寄唯是真空觀門方爲真如之理至此理事無碍觀門始顯真如之用一理徧於事門謂能徧之理性無分限所徧之事事門分位差別一一事中理皆全徧二事徧於理海存一波中而海非小如一小波匝於大海而波非大同謂全徧於諸波而海非異俱時各匝於大

非一而波三依理成事門謂事無別體要因真理而得成立如波要因於水能
成立四事能顯理門由事攬理則事虛而理實以事虛故全事中之理挺然露現如波相虛水體露現
五以理奪事門事既攬理遂令事相皆盡唯一真理平等
顛現如水奪波無不盡六事能隱理門真理隨緣成諸事法
如水成波顛靜隱七真理由事門謂此真理舉體皆事
事法即理門事起事法必無自性無自性故
事體即真如波即水動而非靜而九真
理非事門即事之理而非是事以真妄異故
全理之事事恒非理相性異故如
法非理門全理之事事恒非理相義非徧故
第三周徧含容觀事如理融遍攝一理如事門事
性真實體無不現二事如理門謂諸事法與理非

理界此一微塵亦如三事合理門謂諸事法與理非一有本一事而能廣容如一微塵其相四通肩無碍門謂諸事不大而能含攝無邊法界法與理非一即遠即近即偏即往無障無碍五廣陥無礙門謂事與理非一即往無障無碍六褊容無碍門謂此一塵望於一切容十方剝侮七攝入無碍門謂彼一切望於一法以入他故即彼一還復在自一切之內同時無礙如九鏡入彼一鏡中時即攝彼一鏡還在能入九鏡之內同時交互通肩無碍門謂一法望一切有云無碍八交涉無礙門攝有八通有四句一攝一切一切入一切切如九鏡為能攝一一切攝一切

入一反止釋之一一攝一一入一

如東鏡攝彼西鏡入我東鏡中來即

我東鏡便入彼西鏡中去一切攝一切一切入一切頤彰故假

前三句用此九相在無碍門謂一切望一亦有入前圓備也

前但此彼同時攝入今則欲入彼須必別攝餘法帶之將入彼中發起重重無盡之勢也亦有四句

攝一入一如東鏡能攝南鏡帶之將入西鏡之中

爲所入能攝能入南鏡爲所攝西鏡爲文殊入普賢中也

攝一切入一如東鏡攝餘八鏡帶之將入西

鏡中時即東鏡爲能攝能入八鏡爲所攝西鏡爲所入也則一佛攝一切佛一切衆生帶之同入一

衆生攝一入一切如東鏡攝南鏡攝一切入一切將入八鏡中也

此明滿法互相攝入一時圓備重重無盡也沮入一燈當中之時即鏡鏡中一時各有多少之燈無先後也即諸佛菩薩六道衆生不有即已有則一利那中便微過現未來十方一切凡聖中也

十

溥融無礙門

謂一切及一溥皆同時更互相望一具前兩重四句圓明顯現攝芥境

眾無障無礙深思之

長者合論歡喜地中六相義

名義

此一字中有六相一切字一切法皆

善惣別

有此六相若善見者得智無礙惣持

門於諸法不滯有無斷常等障可以

離情照之可見此六字義闕一即理智不圓是初歡喜地中觀通世間一切法門故此六字有三對法一惣別一對二同異一對三成壞一對惣不相離不可廢一留一亦不可双立双捨惣是斷常生

滅今以人類之餘可准知。謂如一切衆生名爲
惣相愚智區分名爲別相皆同佛智名爲同相隨
報業異名爲異相作業受報名爲成相心無所依
名爲壞相。又如人身具足名爲惣相手足眼耳
名爲別相一空無體名爲同相應用有殊名爲異
相共成一身名爲成相無體無相名爲壞相五十七卷
又宗鏡云辭如一舍是惣相緣等是別相緣等
諸緣和同作舍故名同相緣等相望一一不同故
名異相緣等相成故名成相緣等自法本不作故
故名壞相駕宇函

第十一卷

○但了人空與法空。便達此岸爲彼岸。
金剛經頌人法俱名執了即二無爲菩薩能齊諸
聲聞離一非所知煩惱盡空中無所依常能作此
觀得聖定無疑。宗鏡云祖佛大意唯證二空證
會一心如壯尊言一切法無我云何一切法所謂
心法云何二無我所謂人無我法無我若一切衆
生但得人法俱空知一切法即心自性復更有何
異法而敷演乎第五卷。阿含經云何此岸云何
彼岸謂此岸者身邪是彼岸者身邪滅是第六卷
又云佛告婆羅門邪見者非彼岸正見者是彼

○當知實性非空有。未偶斯文墮斷常宗鏡云真實之性非一非異非有非空此宗鏡宗旨自在圓融謂欲一則一欲異則異欲存即存欲泯便泯異不礙一泯不碍存方爲自在常一常異常存常泯名爲圓融又如弄珠鈴之者其珠不住空中不落地上不在手裏既不在三處亦不住一處然不住空中即喻不住中觀既不住三亦不住假觀不在手裏即喻不住空觀不落地即喻不成一則非一非三而三而一斯爲妙矣未偶斯旨

所有見聞皆墮斷常

車字函
第八卷

○若是真心無滯碍。宛同水性善炎涼

宗鏡云皆同一性所謂無性良以心境同一性故是以真心不守自性舉體隨緣成諸萬法性即體也以諸法唯心所現各無自體虛假相依無決定性以無性故能隨異緣成立一切若有定性猶如金石各有堅性不可令易今此無性猶如於水遇冷成冰逢火便熔故中論偈云集若有定性先來所不斷於今云何斷道若有定性先來所不修於今云何修故知若有定性一切諸法皆悉不成若

無定性一切皆成若衆生各各有性自體不移則求作衆生無因成佛後字國第四卷

○性空無而且不無○緣會有而終非有又云萬法從緣無自躰耳躰而無自故名性空性之既空雖緣會而非有緣之既會雖性空動不無是以緣會之有有而非有性空之無無而不無何者會則性空故言非有空則緣會故曰非無今言不有不無者非是離有別有一無也亦非離無別有一有也如是則明法非有無故以非有非無名耳不是非有非無既非有無又非非有非非無也

如是則何獨言語道斷亦乃心行處滅也如是則名體既空言思自絕可謂萬機泯跡獨朗真心矣○真諦性空之理空而不空俗諦幻有之事有而无不有之有有不疑空不空之空空不絕有彼此無寄遯互相成若心內定一法是有即著常若心外執一法是無即沉斷俱成見網不入圓宗後字國

二卷

○心滅諸法以皆滅○心生萬境以從生又云問若心滅者云何相續若相續者云何言滅答實然今言滅者但心相滅非心體滅如水因風

而有動相以風滅故動相即滅非水躰滅旣水體
不滅所以動相相續釋曰種種心境皆由無明薰
習力起然依因緣因是不覺緣是妄境者只謂
不覺自心妄生外境故知境無自性從心而生和
合而起故云心生即法生因滅則緣滅矣以水躰
不滅動相相續者此況真心自躰非動非止因無
明風起生死動搖若妄風息時心之動相即滅非
心躰滅以心體是所依萬法是能依若無所依能
依非有故知一心之體爲群有之依猶如太虛作
万象之體車字函
卷三又舉昔東國元曉義相二法

師向來唐國尋師遇夜宿荒止於塚內元曉參師
因渴思漿見一泓水掬飲甚羨及至天明觀是死
尸之汁心惡吐之豁然大悟乃曰我聞佛言三界
唯心萬法唯識故知羨惡在我實非水乎後字函
第一卷

○凡一切法皆佛法○擇萬行門一心門
問如何是一切法皆是佛法答一切法唯心心即
是佛心即是法如學人問忠國師經云一切法皆
是佛法殺害還是佛法不答一切施爲皆是佛智
之用如人用火香臭不堪亦如其水淨穢非汙以
表佛智也是知火無喻別蘭父俱焚水同上德方

圓任器所以文殊執劍於瞿曇鷲掘持刀於釋氏
豈非佛事乎若心外見法而生分別直饒廣作勝
妙之事亦非究竟侈字函 第三卷 夫一心者萬事之總

也分而爲戒定慧開而爲六度散而爲萬行万行

未嘗非一心一心未嘗違萬行

車字函
第七卷

問法門

無量河故偏讚一心答此是起惑之初發真之始
故經云心作天堂心作地獄但了一心萬法皆寂
如解脫長者告善財言我若欲見安樂世界阿彌
陀如來隨意即見我若欲見栴檀世界金剛光明
如來乃至十方如來悉昔即見然彼如來不來至

此我身亦不往詣於彼知一切佛及與我心悉皆
如夢知一切佛猶如影像自心如水知一切佛所
有色相及以自心悉皆如幻知一切佛及以已心
悉皆如響我如是知如是憶念所見諸佛皆由自
心善男子當知菩薩修諸佛法乃至成佛悉由自

心

駕字函
第二卷

異○了知法法皆平等○自然物物非短長

又云以齊而齊不齊者未齊矣以齊而齊於齊者
未齊焉余聞善齊天下者以不齊而齊天下者也
何湏夷獄實淵然後方平續鳬截鶴於焉始等故

知但了法法皆如自然平等則青松綠蕙不見短長鵬翥蜎飛自忘入小如筆論舉經云諸法不異者豈曰續鳬截鶴夷獄盈壑然後無異哉誠以不異於異故雖異而不異耳乃至經云般若與諸法亦不一相亦不異相信矣莊子南華經云長者不爲有餘短者不爲不足故鳩脰雖短續之則憂鶴脰雖長斷之則悲故性長非所斷性短非所續以明境智雖異而同不待同而後同也若能如上了達同異二門或諸佛出世不出世衆生可度不可度乃至有無高下皆絕疑矣

留字函
第三卷

○無量劫持彈指頃○十方世界一毛中
間悟此心宗修行之人得圓滿普賢行不答一切
理智無邊行願皆不出普賢一毛孔若實入華嚴
境界乃至凡聖之身一一毛孔皆能圓滿普賢之
行如海幢比丘入于三昧從其身分出十法界身
雲又如善見比丘一念之中一切世界皆悉現前
又如喜目觀察衆生夜神一一毛孔出無量種變
化身雲又如普賢一身分一一毛孔悉有三千
大千世界風輪地水火輪江海山林村落城邑地
獄鬼畜色欲等界晝夜年劫諸佛出世菩薩衆會

如是等事悉皆明見如見此界十方世界悉如是
見如見現見十方世界前際後際十方世界亦如
是見各各差別不相雜亂如說海幢身分之上善
見一念之中普賢毛孔之內盡十方法界虛空界
所有一切九聖境界淨穢國土靡所不現無法不
舍如卷大海之波瀾收歸一滴撮十方之刹土指
在一塵軒字彌
第十五 又云湧彌納芥子而無增減亦
不迫迮此義難解有師言神力能爾有師言小無
小相大無大相故得入也今謂小是小大是大是
自性大小不得相入也如華嚴云一微塵中大千

經卷今觀衆生一念無明心即是如來心若見此
心則能以須彌入芥子無相妨也

○玄珠有意定難求。罔象無心而乃得
又云法無動念不可以有念求又非無念不可以
無心得應可玄曾耳如赤水求於玄珠罔象而得
之故云藏於身不藏於川在於心不在乎水故莊
子云黃帝遊於赤水之北登崑崙之丘南望還歸
遺其玄珠使智索之而不得使商彝索之而不得
乃因罔象得之夫真不可以定求故無心以得之
如弄珠吟云罔象無心却得珠能見能聞是虛偽

然雖不落於見聞又且非無覺與知

車空因第十七卷

○又

問無心者爲當離心是無心即心得無心答即心得無心問即心是有心云何得無心答不壞心相而無分別問豈不辨知也答即辨知無能所是無心也豈潭無用始是無心譬如明鏡照物豈有心耶當知一切衆生恒自無心心體本來常寂寂而常用用而常寂隨境鑑辨皆是實性自爾非是有心方始用也

駕字兩第五卷

○又舉寶藏論云離者無身

微者無心無身故人身無心故大心大心故則智周萬物大身故則應備無窮是以執身爲身者則失其大應執心爲心者則失其大智故千經萬論莫不說離身心破彼執著乃入真實辭如金師銷鑛取金方爲器用若執有身者則有身礙有身礙故則法身隱於形穀之中若有心者則有心碍有心碍故則真智隱於念慮之中故大道不通妙理沉隱六神內亂六境外緣晝夜惶惶無有止息矣

同上

○求佛不可無念成○證道安可以功德又舉求嘉云誰無念誰無生若實無生無不生喫取機關木人問求佛施刃早晚成若以息念歸無

念如同寒木死灰與木人何別豈有成佛之期然無念者即念而無念以念無自性緣起即空又緣起者皆是真性中緣起豈獨有無乃至即生無生即滅無滅亦復如是故寶藏論云若言其生無牀無形若言其滅今古常靈又云是以斬首灰形其無以損生金丹玉液其無以養生故真生不滅真滅不生可謂常滅可謂常生其有愛生惡滅者斯不悟常滅愛滅惡生者斯不悟常生華嚴疏云生之無生真性湛然無生之生業畢竟然是知若即念存有念即是常見離生求無生即是斷見皆不

達實相無生無滅之理若正了無生則無生無不生豈定執有生無生二見乎○又云玄道者不可以設功得聖智者不可以有心知真諦者不可以存我會至功者不可以營事為忘言者可以道合虛懷者可以理通冥心者可以真一遺智者可以聖同雖云道合無心於合合者合焉雖云聖同不求於同同者同焉無心於合則無合無散不求於同則無異無同超非於百非之外非所不能非焉忘是於萬是之前是所不能是焉是所不能是則無是矣非所不能非則無非矣無異無同則怨親

不二無非無是則毀讚常一是以忘言者捨筌罥
也虛懷者離取著也冥心者不已見也遺智者泯
能證也若運心合道則背道若趣念求同則失同
若爲是乃是則沒是若爲非所非則沉非但得直
下無心則同異俱空是非咸泯斯泯亦泯茲空亦
空此猶寄言因跡對待若得絕待頓悟一心唯契
相應不俟更說車字函
卷七

○雖然迷悟之本同○爭柰時節之有異
又云究之於心塵勞爲菩提之妙用失之於旨常
樂作生滅之苦輪故知染淨非他得喪在我似手

覆如人醉醒何者及亦是手覆亦是手要且反
時非覆時覆時非反時然俱不離手醉亦是人醒
亦是人要且醉時非醒時醒時非醉時然不離醉
有醒亦不即醉是醒如迷亦是心悟亦是心要且
迷時非悟時悟時非迷時然迷悟非別即時節有
異唯在般若轉變臨時一體匪移千差自別迷之
枉遭沈沒念念成九悟之本自圓明心心證聖肥

○先修後悟功生滅○已悟方修用不虛
又云學人問本淨和尚云師還修行也無對云我

修行與汝別汝先修而後悟我先悟而後修是以
若先脩而後悟斯則有功之功歸生滅若先悟
而後修此乃無功之功功不虛棄若具智眼之人
豈得妄生叨濫况似明目之者終不墮於溝坑古
人云一生可辨豈虛言哉

修字兩
第三卷

持誦品第五十三

二十八則

○爲何言教戒休看○祇恐牛皮遭覲破
宗鏡問若欲明宗只合純提祖意何用兼引諸佛
菩薩言教以爲指南故宗門中云借蠅爲眼無自
已分只成文字聖人不入祖位豈從上非是一向

不許看教恐慮不詳佛語隨文生解失於佛意以
護初心或若因詮得旨不作心境對治直了佛心
又有何過只如藥山和尚一生看涅槃經手不釋
卷特有學人問和尚尋常不許學人看教和尚爲
什麼自看師云只爲遞眼問學人還看得不師云
汝若看牛皮也湏穿且如西天第一祖師是釋迦
牟尼佛首傳摩訶迦葉爲初祖次第相傳迄至此
土六祖皆是佛弟子今引本師之語訓示弟子令
因言薦道見法知宗不外馳求親明佛意得旨即
入祖位誰論頓漸之門見性現證圓通豈標前後

之位若如是者何有相違且如西天二十八祖此
土六祖乃至馬大師忠國師等並博通經論圓悟
自心所有示徒皆引誠證終不出自胸臆妄有指
陳是以綿歷歲華真風不墜以聖言爲定量邪僞
難移用至教爲指南依憑有據故圭峯云諸宗始
祖即是繹迦經是佛語禪是佛意諸佛心口必不
相違達磨過來以楞伽經印衆生心楞伽云佛語
心爲宗無門爲法門心爲宗者即心即佛無門爲
法門者達本性空性無有相亦無有門時有禪客
問曰阿那箇是佛心師曰牆壁凡礫無情之物並

是佛心禪客曰與經大相違也經云離牆壁瓦礫
無情之物名爲佛性今云一切無情之物皆是佛
心未審心之與性爲別不別師曰迷人即別悟人
不別禪客曰又與經相違也經云善男子心非佛
性佛性是常心是無常今云不別未審此意如何
師曰汝自依語不依義辭如寒月結水爲冰及至
煖時釋冰成水衆生迷時結性成心悟時釋心成
性汝定執無情之物非心者經不應言三界唯心
故華嚴經云應觀法界性一切唯心造今且問汝
無情之物爲在三界內爲在三界外爲復是心不

是心若非心者經不應言三界唯心若是心者又不應言無情無佛性汝自違經我不違也。若欲研究佛乘披尋寶藏一一須消歸自己言言使冥合真心但莫執義上之文隨語生見直湏探詮下之旨契會本宗則無師之智現前天真之道不昧如華嚴經云知一切法即心自性成就慧身不由他悟故知教有助道之力初心安可暫忘細詳法利無邊是乃搜揚纂集錄字函
卷一

詳夫看教應驗甚多山筆海墨書亦不盡今且略引金剛華嚴二典數則庶使未聞者聞

○虛空寫處堪逃爾○屋宇俱焚不壞經益州新繁縣王李村隋時有書生荀氏善王書而不顯迹嘗於村東空中書金剛般若經乃曰此經擬諸天讀誦人初不覺後經雷雨書經之地殊無點濕可有文許村人怪之每雨樵夫牧兒皆逃其中武德中異僧謂鄉人曰此地空中有金剛經諸犬於上設寶蓋覆之不可輕犯自爾周回欄楯以防人畜履踐每至齋日四遠階來就設佛供常聞天樂耳○唐吳郡陸懷素貞觀二十年失火屋宇並滅經函乃至標軸亦盡唯金剛經字如故見

聞者莫不加額其異若此

○無常大鬼難親近○力士金剛密護持

唐王陀因病斷葷血發心念金剛經日日五遍後
染瘧疾見群鬼來隨即急念鬼聞皆退遙曰王令
追汝且止念經陀即為歇鬼得向前隨乃昏迷欲
絕又見一鬼來報念經人至令懼放既醒日夜持
誦不息乃聞空中曰汝以持經功德壽九十矣竟
如其言○梁鍾山開善寺沙門智藏有野姥工
相人為記吉凶百不失一謂藏曰命可三十一矣
時年二十有九聞斯促報竭誠修行探得金剛般

若畢生受持至所厄暮年香湯沐浴淨室誦經以
待死至空中告曰汝往年三十一者是報至之期
由般若力得延倍壽藏後出山遇前相者乃大驚
曰沙門誠不可相後壽六十有五於是江左道俗
競誦此經○唐魏恂為鹽門衛大將軍續持金
剛時京師有蔡策者暴亡復蘊云初至冥司怪以
追人不得將撻其使者使云將軍魏恂持金剛經
善神擁護追之不得即別遣使再追湏臾還報並
同冥官曰且罷追恂尤加精進

○非特救夫淹巨浪○也能援子脫深蕃

宋衍江淮人爲塈鐵院書手月催兩千適有押綱者且不識字請衍同去通管簿書月給八千衍謂妻曰我數月不得八千苟一月而致極爲利也妻揚氏甚賢勸不令往曰舟路險惡身或驚危利亦何救衍不納而去至其所果遇暴風群船盡沒唯衍入水捫得粟囊一束泛之達岸抱囊謝曰吾之微命爾所賜也存沒不捨負帶而歸行數里宿一孤姥鬻茶之店明日解囊略曬於中得一竹筒開之金剛經也姥曰汝妻自汝來後誠寫是經蓬頭禮念故能被汝衍感泣達家見妻媿謝驚問何

知詳告始末楊氏怪之衍曰經爲何記曰寫時執筆者誤羅漢數字請禪和尚添入以老目昏點劃過濃此十來日失不知所開驗如說衍嗚咽拜婁轉加精勤禮誦遂遣人致謝河濱之母詢問此處何嘗有人與店乃神化也數歲相國鄭公納爲東都留守召衍并妻問於始末與其男武職事月給五千因求其經至今爲鄭氏所尊奉故。唐求泰初豐州烽子因陷西蕃自此有功轉近牙帳贊普子愛其了事遂令執纛因與酪肉悲泣不食贊普問之云有老母頻夜夢見贊普頗仁聞之悵然

召帳中語曰蕃法嚴無放還例我與汝馬力者二
匹於某道縱汝歸無言我也烽子得馬極騁俱乏
死遂晝潛夜走爲刺傷足倒於磧中忽風吹物寧
寧過其前輒收聚足覺不復痛試走如故到家見
母尚存悲且喜曰自汝一失我唯念金剛經以祈
相見今果其誓因以取經見斷數幅不曉其由子
言磧中傷足母令解看厥瘡已愈所聚瘡紙正母
所失之經殊聖乃爾

○滅於佛法愆深重○存乎功德福非輕

隋開皇中太府寺丞趙文昌死而復活云有人引

至罽羅王所王問一生以來作何福業答云家貧
無力可營功德唯持金剛般若王聞合掌讚言善
哉功德甚大即放還生使人引至南門首見周武
帝在門側房中三重鉗鎖喚昌云卿旣還家爲吾
向隋皇帝說吾諸罪並發辯了唯滅佛法罪重未
可得竟爲營功德得出地獄及出門外見大糞坑
有人頭髮上出問引人云此是秦將白起罪猶未
了昌歸得活遂奏其事勅天下爲周武帝轉金剛
經設大供仍入隋史○唐開元中勅天下佛堂
小者除折功德移入大寺不信之徒望風除毀有

蔡州新息令李虛貪酒好殺行事違戾當時非惜
佛屋偶以醉中限嚴而怒故令眾內存之雖存亦
不為意歲餘病死復生云閻王未坐先見階前判
官乃新息吏也吏曰長官平生唯以殺害為心不
知罪福今當受報將如之何虛大懼請赦之吏曰
夫歲折佛堂長官界內獨存此功勳大少頃引虛
見王王索李明府善惡簿讀曰虛曾殺羊割肉王
曰何割他肉虛答有勅折佛堂毀佛像獨虛界內
存之可折罪不王曰是不吏復福簿在天堂檢至
讀之果有合折一生中眾延年三十仍生善道言畢

罪簿出火燒之殆盡令人送還遂蘇

以上九則金剛感應傳

○既誦華嚴九冠聖○因遺盥掌蠻生天

宋徽年中太白山有兩僧名道祥慧悟祥持涅槃
悟授華嚴忽有居士作禮請一僧齋僧云二人不知
請誰居士云請華嚴師悟乃赴請於是居士置
悟於衣上坐令其冥目只聞耳颺颺風聲少頃放
地開目不知到處唯見星宇巖麗延悟入堂禮佛
纔畢忽五百僧翔空而至悟遂下坐居士語曰此
日齋意在師一人雖五百羅漢臨時請耳師持華
嚴是佛境界何得於小聖下坐引悟坐於聖衆之

上齋罷居士令一童子送還童子請悟開口飛入
口中悟即騰身空中謂祥曰神僊請齋遂獲神通
今欲斬之金闕昇空而去。昔有三藏梵僧至
京時藏公猶爲童子頂禮三藏請受菩薩戒衆謂
三藏曰此童子誦得華嚴兼解其義三藏驚歎曰
華嚴一乘是諸妙藏尚難遭逢况通其義若有人
誦得淨行一品已得菩薩淨戒俱足不復更受西
域傳記有人轉華嚴經以洗手水滴一蟻子命終
生天而況人能受持通義此子後必廣大饒益衆
生

○積功可拔眉鬚尼○一偈能停地獄酸

天授二年曾州牧宰迎請藏公講釋花嚴因論邪
正時有小道士在側歸觀云講師誅毀道尊觀主
甚怒領衆來至講所面興愠色口發籠言謂藏公
曰但自講經何故論道門事藏曰貧道自誦花嚴
無他論毀觀主問曰一切諸法悉皆平等耶藏曰
諸法亦平等亦不平等觀主又問何法平等何法
不平等答曰一切法不出二種一者真諦二者俗
諦若約真諦無此無彼無自無他非淨非穢一切
皆離故平等也若約俗諦有善有惡有尊有卑有

邪有正豈得平等道士詞窮無對猶瞋不解於如來所生毒害言歸去經宿明朝洗面眉髮俱落遍身瘡疤方生悔心歸敬三寶求哀藏公誓願受持花嚴經一百遍猶有十遍未畢忽感眉髮重生身瘡頓愈。昔京師郭神亮死去七日復還云使者追至平等王所問罪福已送入地獄見一僧云我今救汝地獄之苦教誦一偈。若人欲了知三世一切佛應當如是觀心造諸如來。神亮志心乃誦此偈數遍神亮及同受罪者數十萬人皆得離苦不入地獄當知此偈能破地獄是時藏法師云

出在花嚴經十行品塵律師數曰纔聞一偈脫千萬人苦況受持全部講通深義耶

○威靈可以降天敵。俗眼那能辨聖凡。

聖曆中有沙彌名彌伽雖未受具身意清淨專誦華嚴一日帝釋遣使迎請伽曰未審天帝何緣見命使曰帝與修羅時戰欲求法力加被縱有羅漢未辨斯事唯見法師專持華嚴可爲人天福田所以見迎耳於是受請閉目俄頃便至天宮延請入殿誦華嚴經坐于寶臺乘空而行向其敵所修羅軍衆覩此威靈怖竄藕孔之中帝喜迎師還宮供

養施以七珍異寶又白師言若湏長生之藥當以奉上師曰割愛出家求無上道世間珍異及長生事非所志焉帝釋禮謝曰成菩提時願相救度遣使送還○上元中洛州敬愛寺有律僧歸觀及鄭州界迫暮投店次有僧至不知其名並房安泊其後來僧謂主人曰食道疲餒酒酣三升肉買一斤飲噉迨盡律師怒而呵之身披法服恣噉酒肉不知慙愧其僧嘿而不答少頃索水漱口端身趺坐綏發梵音誦大方廣佛華嚴經入如是我聞至寂滅道場其僧口角兩邊俱發光明透射房舍洎至

三更猶聞誦經聲聲不絕光明轉熾誦至六帙即歇收光其僧乃卧天明律師涕泣懺過輕謗聖賢願罪消滅以上六則出華嚴應傳

○誦持無驗爲如何○種植有虧安可得妙臂所問經云行人持誦不獲成就者譬如種子因地因時風雨不愆漑潤無失乃可生芽以至成熟或種子不以其時不植於地使彼芽莖無由得生何況枝葉及果實耶持誦行人若不依法又不清淨於諸供養曾無處繫於其所誦真言文字或有闕漏至於呼吸說略不正是以悉地而不現前

不獲成就亦復如是

八字爾
第二卷

○因甚言教益非益。良爲衆生勤不勤

華嚴經云文殊師利問勤首菩薩言佛教是一衆生得見云何不即悉斷諸煩惱縛而得出離或有利益或無利益勤首以偈答曰。若欲求除滅無量諸過惡當於佛法中勇猛常精進如鑽燧求火未出而數息火勢隨止滅懈怠者亦然。復問法首菩薩言如佛所說若有衆生受持正法能斷煩惱何故受持而不斷者法首頌答。如人水所漂懼渴而渴死於法不修行多聞亦如是如人數他

寶自無半錢分於法不修行多聞亦如是

平字
第三卷

○佛法豈非無果證。善根成熟在他生

智度論問若佛法得今世果何故諸佛弟子有無得者答曰行者能如佛所說次第修行無不得報如疾病人隨良醫教將和治法病無不差若不隨佛教不次第行破戒亂心故無所得非法不良也復次諸未得道今世雖不得涅槃後世得受福樂若速若遲當得涅槃終不虛也

建字
第二卷

○法不受人忘記報。業消誦筆頓明心

佛說處處經云朱納槃特學道經二十四年得五

言解何以故宿見五百佛悉通衆典閑藏經道不肯教人後病二十四日臨死乃悔呼人教之有是一福故知五言何況具足教人得福不可計

無字
第

四卷○又阿含經云佛弟子朱利槃特世尊使執掃箒汝誦此字是時槃特若誦得掃便忘於箒若誦得箒復忘於掃誦經數日以此掃箒復名除垢槃特作念何者是除何者是垢者灰土瓦石也除者清淨也世尊以此教我我今思惟此義我身亦有塵垢我自作喻縛結是垢智慧是除我可以智慧之箒掃此結縛得解脫智生死已盡梵行已

立證阿羅漢

斯字函
第一卷

○慙愧螺蚌尚知經○可憫最靈蹉過佛

真歇禪師跋金剛經驗云昔王待制船自漢江爲風浪擊作危急之甚遂將平昔所誦金剛經投於水中而風息浪靜後至鎮江見舟尾百步外似有一物出入無時使漁者取之即無數螺螄團成一簇剖之外濕而內乾視中迺昨所投金剛經毫髮無所損嘆曰且漢水會于九江至南徐動數千里窮古遠今舟船往來不可數計然未聞有持是經自彼而至此者螺螄一見而不捨其爲名耶利耶

財色耶將必求於脫輪回生死也嗚呼萬物之中唯人最靈其有畢生不聞是經有聞而不見見而不信信而爲名利財色蕩沒不能受持者尚螺螄之不如謂之最靈者孰與之哉。○懈怠耕者經云有一耕人見佛行過心中雖喜不去禮佛乃云田耕未竟種又未下若要見佛須待閑暇佛難值遇懈怠如此已過六佛不得度者此即非今世

也自釋迦至爾勒方見二佛雖過六佛不知幾多劫甚字幽

○當知經書即赦書○可免鐵圍并鐵棒佛日禪師普說云有任觀察傾心釋氏遍叢知識

海嘆曰余幸得爲人其形體不全及不識所生父母想前世輕薄於人招此報應誓遇休日歸私家絕人事炷香禮佛刺血寫華嚴經一部每一字禮三拜願來生識所生父母忽一日有客相訪任出遲客怒曰人來相訪何懈怠如此任笑曰在家中寫一卷赦書客詢其故乃露誠出經示之曰此閻老子面前吞鐵丸喫鐵棒底赦書客聞其語扣頭回舍亦如任寫經

○迷誦千章何所益。洞明一句乃成功出曜經偈云。雖誦千章不義何益寧解一句闡

可得道

殿宇函第五卷

問曰作如是說有看經而不曉

理者徒勞何益答曰看經豈是無益第恐隨數黑只貪遍數爲功不窮其義義既不窮安得成道問曰吾佛談玄說妙衆生根有利鉢終竟不能窮其義者又作麼生答曰義雖未明其誠若至足可扶危益筭亦爲入道之初如今生根鉢不明理趣者蓋於前重生中教典未嘗入手夙既不覽今曷強明但且隨分看去下箇最初種子乃爲後世苗裔次第結果成佛有分豈不見善財龍女古今知識才出頭來一聞千悟蓋已致力於多生豈此

且頃能成辦爾

○寶闍無燈曷得知○佛法雖慧莫能了人說雖慧莫能了

平字函第六卷

華嚴經偈云辭如闇中寶無燈不可見佛法無人說雖慧莫能了

車字函第四卷

○古者爲法喪形軀○今人何幸現公按宗鏡云仰思曠古求法之人釋迦文等投身大火翹足深林折臂剜身剥皮剗血乃至常啼東請善財南求藥王燒手普明剗頸皆是知恩報德之人爲法亡軀之士今勸後學生殷重心勿得自輕虛擲光景

車字函第四卷

又云圓宗罕遇若不予以投於

針鋒正法難聞猶貞龜值於木孔若非熏蒸種
久積善根焉偶斯文親得傳受所以古人重教輕
財則輸金若市或亡身爲法則立雪幽庭且金是
身外之浮財豈齊至教命是一期之業報曷等真

詮

篇字卷

○利之至險尚可求○道既在心何難得
又舉管子云利之所以所在雖在千仞之山無所不上
深源之下無所不入商人通買倍道兼行夜以續
日千里不遠利在前也漁人入海海水百仞衝波
逆流宿夜不出利在水也此乃世間勤苦求利之

志耳如或堅求忘道曉夕忘疲不向外求虛襟澄
慮密室靜坐端拱寧神利在心也如利之所以所在求
無不獲况道之在心信無不得矣故知訓格之言
不得暫捨可以鏤於骨書於紳染于神熏于識所
以楚莊輕千乘之國而重申叔一言范獻賤萬畝
之田以貴舟人序說此乃成家立國尚輕珍重言
况宗鏡中言下契無生聞之成大道寧容輕慢乎

上

○雖然流出大藏教○爭奈元無一字談
楞伽經云大慧白佛如世尊說我於甚夜成最正

覺乃至某夜當入涅槃於其中間不說一字亦不
已說亦不當說不說是佛說世尊依何密意作如
是語佛言大慧依二密法故作如是說云何二法
謂自證法及本住法云何自證法謂諸佛所證我
亦同證不增不減證智所行離言說相離分別相
離名字相云何本住法謂法本性如金在礮若佛
出世若不出世法住法位法界法性皆悉常住大
慧等如有人行曠野中見向古城平坦舊道即便
隨入止息遊戲大慧於汝意云何彼作是道及以
城中種種物耶白言不也佛言大慧我及諸佛所

證真如常住法性亦復如是是故說言始從成佛
乃至涅槃於其中間不說一字重說頌言某夜
成正覺某夜般涅槃於此二中間我等無所說自
證本性法故作是密語我及諸如來無有少差別

四字函
第四卷

唐梵品第五十四 六十六則

○南無佛陀并菩薩乃至聲聞八部天

南無此云歸命信願故法以南爲寄寓中虛虛無即明也表心達盡無之理即心智明故出合論
佛此云覺德皆佛之異補出音字音釋
迦牟尼釋迦此云能也牟尼此云慈氏寂默即心體本寂并字音彌勒即真慈應

物阿彌陀

此云無量壽即真如性無菩薩

秦言衆生以求菩

提未得故名爲善

提薩埵此方好畧

即名菩薩形字爾摩訶薩此云

大即大菩薩

須陀洹此云預流預聖之流更七斯

也立字爾

生天人中皆盡苦際

陀舍此云一來謂一往

大阿那含此云不還只

更阿羅漢有四義一者殺穢

二者遠惡三者應供

還四者不生惱言殺煩惱遠離諸惡堪

應供養更不健達縛

亦云乾闥婆此阿索洛亦云

受三界生也健達縛

云竒樂神也阿須洛阿須

倫此云揭路茶亦云迦樓羅

緊捺洛乃歌神頭作

阿修羅

揭路茶此云金翅鳥緊捺洛亦云

馬頭亦言半喫洛

亦云摩駁羅伽叉又云閻叉

是人非人

此云腹行蟠神藥叉此云夜叉

已上十苾芻

香草具五德比僧伽此云衆今畧稱

弁字音

出家人日字音僧伽僧以和合故出

要優婆塞

亦云鄧波索迦此云近事男優婆塞夷亦

置優婆塞

云烏波斯迦此云近事女謂在俗新近

戒也日字音

補特伽羅此云微趣謂數數摩

納婆

此云年少淨行翫字音達絮此云微信

已上二闡

提此云無毒火字音旃荼羅此云執愚者

鵠娑

擔糞弃死尸之利利種此云守田主此婆羅

門種

亦云梵志遠離悉法入山求道居士種在家首陀羅種此云伎藝

已上四種混沌初時

忽分四姓覆字爾

○經具因緣十二分○修證菩提多種門

修多羅

亦云素怛饍此云契經祇夜重頌弊迦蘭那此云伽

陀重頌

此云不優陀那此云無間自說尼陀那此云內緣阿波陀那

比云伊帝目多伽

本事闍陀伽此云毗佛略此云譬喻

比云

伊帝目多伽本事闍陀伽此云毗佛略此云

大乘阿浮陁達磨此云勝法擾波提舍此云分別廣說已
 雨阿毗曇此云無比音摩訶衍摩訶衍此云大化舒檀
 波羅密多此云施也有信有財有福三事和合波
 多此云到也惄言尸羅此云清淨戒亦云毗尼此
 施能到彼岸改尸羅云謂伏謂調三業不造忠
 故亦名波羅提木羣初眼反此云安忍毗梨耶精進禪
 又此云解脫生死死此云慧已上施羅尼門此云物持楞
 巍定孝字音三昧或云三摩提或云三摩地此云
 那龍慮般若此云慧已上施羅尼門此云物持楞
 亦云華持等者正也正持心奢摩他亦云寂靜
 也持謂持諸功德也時字幽奢摩他此云止息三
 摩跋提此云從幻起瑜伽此云相應謂一切衆境行阿蘭
 行出圓覺此云從幻起瑜伽此云相應謂一切衆境行阿蘭
 那行此云無譯鞞字音杜多此云修治煩惱心
 堅固弁阿鞞跋致此云不退地羽字音薩婆若丁汝者反此
 字音阿耨多羅三藐三菩提此云無也耨多羅此云
上也三藐正也三遍也等也菩提
覺也惄言無上正等覺故弁字音

○涅槃建塔附雜錄○地里特分諸數量

般涅槃具云般利涅槃那謂般利普也究竟也涅
 煩惱出離也樂那煩惱也合而言普究竟出支諸
 而不生樂而不滅故茶毗亦云閣維此云設利
 羅此云舍利索堵波此云舍利波反亦云聚支提此云
養處亦云靈廟制底塔制多此云可供僧伽藍此
衆因納精舍息心所接之袋婆琪瑟震且臘或云
字音

或云真丹此翻爲思惟以其國人多因陀羅帝已所思慮多所言作即今漢國是也因陀羅帝已

上三弁琰魔或云閻羅此云雙也捺洛迦捺洛此

字音琰魔苦樂並受草字函云人遊

此云惡惡人生彼故亦云泥犁此云餓鬼此無喜樂故皆地獄之異名對字函云人遊

阿賴耶此云根本意羯邏藍此云和合謂和合識孝字函精血受胎七日亦

名歌羅邏亦名額薩迦耶見此云身見謂於五而浮蔭參有草二音薩迦耶見此云身見謂於五而

所故盡波羅夷罪上云弃諸善法求無懺悔其餘

字函懺悔人忍受我悔罪也弁字音布薩我對

集持懺悔懺謂懺摩此云請前布薩此云難

城品懺悔人忍受我悔罪也弁字音布薩我對

罪謂相向說羯磨此云作法辨曷陀羅花此云難

罪也墮字音羯磨事納字音波頭摩花赤蓮

瞻葡萄花此云黃優鉢羅花此云黛波頭摩花赤蓮

華芬陀利花此云白蘇末那花此云黃拘物頭花

此云地喜華尼摩尼寶此云那布金和羅飯此云

上七弁字音摩尼寶寶合論金和羅飯自恣

食納藥石鐵皆謂療病止陞字音吽合口鼻中出

字音藥石鐵皆謂療病止陞字音吽合口鼻中出

歌羅分此云折一毛爲百分中之一分也弁字音一肘尺

果字音一仞高七尺踰繕那亦云由旬此方

師字音踰繕那四十里雲字音牟呼栗

多呼栗多爲一晝夜此云洛叉萬俱胝下多遙反

那庾多此云那由他此云京已上垓刦十億曰兆

十京曰垓乃大無鞅無盡之數阿僧祇阿比云無

數也階字音阿僧祇僧祇此云

數合言無數形字函○亦云僧企耶翔字音

宥範未之

卷之三

